

Aug

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i le matahiti.

No 6

-- TIUNU 1953 --

MAT. 40.

*Te mau parau no teie ve'a, ua faauhia ei reo Tahiti
e Ioane—Peresiteni, e tauturuhia e Tutu Palmer.*

Ta Tatou Ve'a Api

I teie ava'e Setepa i mua nei, e neneihia te ve'a api na tatou.

Eita ia tatou e tau i te io'a no te ve'a, e parau-noa-hia ia, "TE HEHEURAA API". E tauihia râ to'na huru, e te mau parau i roto i te ve'a.

E imi ia matou ei parau uono, e tia ia matou ia nenei i te tahi mau hohoa rii. E te mau parau e papaihia i roto i te ve'a, e mau parau ihoa ia no te Evanelia, e te mau ohipa hoi no te Ekalesia.

E imi ia matou i te mau ravea atoa, ia riro teie ve'a, ei tauturu i te mau taeae e te mau tuahine i te rave i ta ratou ohipa i roto i te Ekalesia nei, e imi hoi ia matou i te mau parau tei faatupu i te anaanatae i roto i te mana'o o to tatou mau hoa e rave rahi, i rapae au i te Ekalesia. E faataahia hoi te tahi tufaa no te mau parau api huru rau.

A taio outou i ta tatou ve'a api, e mai te mea e, e mana'o to outou ra, papai mai i te rata e faaite mai i to outou mana'o, noa'tu e mana'o faahapa to outou ra, papai noa mai no te mea e farii-noa-hia ta outou mau rata mai te mauruuru rahi.

Aita'tu ta matou ohipa i te fenua nei, maori râ, ia faatupu i te ohipa maitai i te mau vahi atoa ta matou e haere. Eita ia matou e haamaua i teie ve'a i te faainoraa i te tahi Ekalesia. Eita atoa ia matou e faahapa noa'tu i te hoê taata no te mea, aita to'na faaroo i au i to matou nei. Te hinaaro nei matou ia tae atu teie ve'a i roto i to outou mau utuafare i te mau avae atoa, e ia riro ia ei hoa no outou.

E no reira, e homa, faaitoito i te taioraa i te mau parau maitatai, e te mau parau e au ia outou, a farii mai, e tei ore e au ra, vaiho ia i te reira.

E mea tia ia feruri tatou, ei mau tamarii ana'e tatou na te Atua, e no te mea e Momoni te tahi, e Tanito te tahi, e e Porotetani te tahi, e ere teie te tumu no te faatupuraa i te hamani ino e te faahapa te tahi i te tahi. E no reira te hinaaro nei matou ia faaite atu i to matou aroha i te mau taata'toa na roto i te mau api o teie ve'a api.

Te Tere I Tubuai

Ua faaineine faahou to tatou Peresiteni i te hoê tere poto i Tubuai, i te ahuru ma vau no Me nei. E apeehia'tu oia e te orometua ra o Reri, e te tahi atu nau melo o te Ekalesia. Teie tere na taa ihoâ ia ia tatou, e tere poro Evanelia iâ, mai te au o tei faauehia mai ia'na.

Ia manuia teie nei tere, e ia haere noa hoi te ohipa a te Fatu i mua.

Ia Riro Outou Mai Te Tamarii Rii

Ia haere o Iesu mai Perea i Ierusalema i te pasa ho-
pea, e na muri rii a'e To'na faahitiraa'tu i te parabole no te
Pharisea e te hoê Telona hara, ua hopoi maira te mau taata
i ta ratou mau tamarii ia haamaitaihia ratou e ana; e ite
a'era o Iesu ua avau maira Ta'na mau pîpî i te mau taata,
ua parau maira Iesu e, "E tuu mai i te tamarii rii ia haere
noa mai na Ia'u nei, eiaha e faaorehia'tu, mai ia ratou hoi
to te basileia o te Atua, oia mau ta'u e parau atu ia outou
nei, o te ore e farii i te basileia o te Atua mai te tamaiti iti
ra, e ore roa ia e ô i roto. (Luka 18:10-17.)

E ua maro noa i hora te mau pîpî a Iesu, ratou ratou
iho, o vai te rahi i te basileia o te ao ra? ua na o maira Iesu,
"Ia ore outou ia faahuru-ê-hia, e ia riro mai te tamarii rii
ra, e ore roa outou e o i te basileia ra o te ao. E teie nei, o
tei faahaehaa ia'na iho e mai teie nei tamaiti iti, oia te rahi i
te basileia o te ao ra." (Mataio 18:3-5.)

Area râ, ua parau maira te hoê peropheta tahito ra e,
"E teitei te Etene i te teoteo o to ratou iho aau, e turorirori
ratou no te rahi o to ratou ofai turoriraa, i faatia'i ratou i te
mau Ekalesia e rave rahi; ua huna râ ratou i te mana e te
mau Semeio o te Atua ra, e na faateiteihia ratou i to ratou
iho paari, e to ratou iho ite, ia noaa ia ratou te faufaa, e
veve ai te taata rii." (II Nephi 26:20.)

Ua parau maira o Paulo i to Korinetia i te parau mau
no te taata teoteo o teie nei ao, na o maira, "E ore ra te
taata e haapao i ta te tino ra, e farii mai i ta te varua o te
Atua ra; e mea maamaa ia ia'na, e ore hoi oia e ite i te

reira, no te mea, i imihia te reira e te varua.” (I Korinetia 2:14.) O vai hoi te ite i te mau mea a te taata nei maori râ o te varua taata i roto ia’na ra? oia atoa te mau mea a te Atua, aore roa te hoê i ite, maori râ, o te Varna o te Atua. (I Korinetia 2:11.) * * * “e te parahi ra te Varua o te Atua i roto ia outou na.” (I Korinetia 3:16.)

E tia ia faaore te taata i te teoteo i to’na iho ite, e i ta’na ihora hoi ohipa i rave, i roto i to ratou mau aau. Eaha e ore ai? No te mea, ua au te ite o te taata paari roa nei, i te hoê topata pape i ninihia i roto i te moana rahi, ia faitohia i nia i te iraa o te ite o te ao ra. Ia farii haehaa te taata nei, o Iesu ia te Mesia e tia’i, no te mea, “aita’tu hoi e io’a i faaitehia mai i te taata i raro a’e i teie nei ra’i, e ora’i tatou nei.” (Ohipa 4:12.)

E te taata, tei tahitohito i teie mau parau, ua na o faahou maira o Paulo: “o te paari hoi o teie nei ao, e mea maamaa ia i te Atua; * * * te haafifi nei oia i te feia paari i to ratou iho paari.” (I Korinetia 3:19.)

Na nia i te paari o te taata nei, ua na o maira te orometua, “E mea faufaa ore rahi teie, (te teoteo) e mea faufaa ore te mau mea atoa nei.” (Kohéleta 12:8.) E na parau atoa maira te Atua na nia i te mau mea hohonu o te hamaniraa o te ao, e te taata nei, a ui ai oia ia Ioba e, “O vai teie e haapouri i te haapaoraa; i te parau ana’e ra, aore i ite ra? A tatua na i to tauupu mai ta te taata ra: e ui na van ia oe, e na oe e faaite mai ia’u. I hea oe ia’u i haamanii i te tumu o te fenua nei? a faaite mai na, peneia’e te ite ra oe, * * * A fatu atoa’i te mau fetia poipoi i te himene, e na pii noa te mau tamarii atoa a te Atua i te oaoa? * * * Tei to’oe ra anei anatau te haapaoraahia e oe te poipoi, e ua faa-

ite atu i
te open
maru po
Kime, e
faaite ia
mau tar
anei i tu
2-4, 7, 1

I
marama
rii i teie
tei ore i
ramaran
aita’toa
mahana
fetia e te
iti roa a
te mau f
ite i te n
e Osa, te
mau vai
haamau
vahi ite-
taata nei

E
te Tahut
te ite, e
faauhia
tatou nei

Aug

ite atu i te tumu e te ao i to'na vahi; * * * Ua iritihia anei te openi o te pohe ia oe? e ua hi'o anei oe i te uputa o te maru pohe ra? * * * E mau anei ia'oe te mahanahana o Kime, e matara anei te tapea o Kisili? E tia anei ia'oe ia faaite ia Mazarota i to'na tau, e ia aratai ia Osa, e ta'na mau tamarii? Te ite ra anei oe i te ture o te rai? e na oe anei i tuu i te parau ia ratou i nia i te fenua nei? (Ioba 38: 2-4, 7, 12, 17, 31-33),

I teie mau mahana e ite te taata, na roto i te mara-marama i horoahia mai e te Atua i nia i Ta'na ra mau tamarii i teie mau mahanā hopea nei, i te mau mea e rave rahi, tei ore i itehia e Ioba. Area ra, aita e â i roa ia'na te mara-marama iti roa i te mau mea i hamanihia e te Atua ra, aita'toa oia i ite i te auaa i rotopu i te ao nei, te avae, e te mahana; aita'toa oia i ite i te huru o te mahana e te mau fetia e te mau ao tei tapiri mai i roto i to'na ra harea, e mea iti roa a'era to'na ite i te mau mea hohonu no te mau ao e te mau fetia i nia i te mau ra'i ra. Aita'toa te taata nei i ite i te mau ture tei faatere i te Kime e te Kisili, e Mazarota e Osa, te mau ture hoi tei tapea ia ratou i roto i to ratou mau vairaa papu i roto i te mau ao ra, e te mau ture hoi tei haamau i te ao atoa ra i nia i to'na haerea na roto i te mau vahi ite-ore-hia e te taata nei. E mea piri mau te ite o te taata nei, ia faauhia i te ite aano o te Atua ra.

E no reira, ia haere a tatou i te haerea e tae atu ai i te Tahuti Ore, e te Ora Mure Ore, e mea tia ia imi haehaa i te ite, e ia haapao hoi i te mau ture o te Evanelia Mure Ore, faauhia te feia paruparu e i te mau taata ite-ore i rotopu ia tatou nei, oia ia, e mea ohie a'era te haerea, "e ore hoi te

taata ite ore e hapa i te reira e'a." (Isaia 35:8.) No te mea, e ere ia te parau mau i te maamaa, area, e paari mure ore ia.

Te parau mau i iteahia, e faatupu ia i roto i te aau haehaa i te maramarama o te hanahana, e te hinuhinu e te mana faaora No'na ra tei pohe no tatou, oia tei parau maira ia tatou, o te faariro ia'na ei arii no tatou, no te mea ua faaamu oia ia ratou i te faraoa e te i'a, na o maira, "O vau te pane ora; o te haere mai ia'u nei, e ore roa ia e poia, e te faaroo mai ia'u nei, e ore roa ia e poiha; (Ioane 6:35.) O Oia, i roto i te hielo o tei na o mai e, "O Vau te maramarama o teie nei oa, o te pee mai ia'u ra, e ore ia e haere noa i te poiri, e maramarama ora ia to'na." (Ioane 8:12.) O Oia, tei parau maira ia Mareta, o tei ohumu maira, no te mea aita o Iesu i reira, na mua to Lazaro poheraa, na o maira, "tei ia'u te tia-faahou-raa e te ora, o te faaroo mai ia'u ra, pohe noa oia e ora ia. E te taata ora atoa nei e faaroo ia'u ra, e ore roa'tu ia e pohe." (Ioane 11:25). E Oia'toa hoi tei parau atura i ta'na ra mau aposetolo i roto i piha no te oroa pasa ra, na o atura, "O Vau te e'a e te parau mau, e te ora, aore roa e taata e tae i te Metua ra, maori ra, ei ia'u." (Ioane 14:6.)

E te taata nei tei ere i te haehaa, e tia'i ia'na ia haamana'o i te paari o Solomona, te tamaiti na Davida, o tei na o mai e, "O te teoteo to te pohe ra na mua, e te aau faateitei to te hi'a." (Maseli 16:18)

Ia haamaitai mai te Atua i ta tatou mau ohipa ia roaa te ite ia tatou e, "o Iesu ia te e'a, te parau mau e te ora, e na roto ia'na ana'e ra, e roaa ia te tahuti ore, e te ora, mure ore, o ta tatou ia pure haehaa, i roto i te I'oa o Iesu Mesia." Amene.

Papaihia e Ioane Orotona

Aug

PARAU RII API

Te Tere Faati O To Tatou Peresideni

Ua tere a'nei hoi to tatou nei Peresideni i to'na ra tere faaati i te mau fenua Tuamotu i te piti no Eperera, na nia i te pahi o te Ekalesia o "Paraita".

Ua tapae atu ratou i Takaroa i te maha no Eperera, e i taua mahana ihora, ua tihia mai oia e na Orometua ra o Walter, e o Re, e to raua hoa o Teriki, te Peresideni no te Amaa Takaroa, e o Paniora Alvarez, te Tavana Mataeinaa o Takaroa, e ua reva atu ratou i roto i te vahi i faataahia no te faaearaa taata no te hopuraa parau.

Ia ratou i tae atu ai, ua ineine te mau taata no te faariiraa mai ia'na.

I taua ahiahi ra, ua faatupuhia te hoê pureraa. Ua paraparauhia no te mau ohipa e ravehia no te Eperera, oia hoi no te ono no Eperera. I te Sabati, ua ravehia te hoê pureraa faahiahia roa, e rave rahi te mau ohipa na te Fatu o tei faaterehia mai i taua Sabati ra.

I te ono no Eperera, ua ite ia tatou e, o te mahana ia i faaho'ihia mai ai te mau mana o ta ra'i ra i raro nei, te mahana ia i tamau faahouhia ai te Ekalesia a Iesu Mesia, i raro i te fenua nei, mai te au i te mau parau heheuraa o ta tatou i ite.

E rave rahi te mau ohipa faahiahia tei ravehia i taua mahana ra.

Ua papu roa ia ia tatou, e ua mauuuru mau ia te Fatu i teie nei proa rahi o tei ravehia i raro nei No'na ra.

To tatou nei hoi Peresideni, ua hope atoa ia to'na mauuuru.

I te hitu no Eperera, ua faarue ratou i Takaroa no te tere atu i Makemo, e ua tapae atu ratou i reira i te vau no Eperera. I reira, aita rea e taata, aita atoa hoi hoê melo o te Ekalesia i reira. Ua reva ana'e ratou i te hopuraa parau i te tahi mau fenua.

Mai Makemo, reva atu ratou i Hikueru, e ua tapae atu i te iva no Eperera. I reira, ua ineine na Orometua e maha, e te mau Peresideniraa o te mau pupu o te Amaa, e te mau melo atoa o te Ekalesia, i te hoê fariiraa mai ia'na. Ua ravehia i Hikueru te mau ohipa a te Fatu mai te maitai. Ua paraparauhia te ohipa o te fare pureraa api, e ua oti hoi teie nei ohipa.

Hikueru, tere atura ratou i Faaite, e ua tapae atu i reira i te ahuru ma hoê no Eperera. Ua farerei faahou â hoi to tatou nei Peresideni i te mau hoa rii tahito ra, e te mau melo api hoi o te Ekalesia.

Faaite, reva mai ratou i Tahiti, e ua tapae mai i Paapeete i te ahuru ma piti i te hora pae i te ahiahi.

Te faaite atu nei te Peresideni i te mau melo o te Ekalesia nei, e te mau hoa atoa ra, i to'na mauuuru rahi ia ratou, no te mau ohipa faahiahia a te Fatu, o tei ravehaerehia i tera fenua e tera fenua. Te faatae atu nei oia i to'na ra aroha ia ratou.

tatou n
to'na i'
Ekalesi
I to'na
te nei,
feia api
mai oia
hine i F
taeae e
mai.
atu ai c

I
orometu
fenua i
porohae
mai ei c
ei Peres
tua mai
mua, i
te matal
ua faae
faeeara
hopea i
aroha ia
ruru ho
Tihoti.

Te Taeraa Mai O Taro Semita

I te 29 no Eperera 1953, ua tae mai te hoê hoa no tatou na nia mai i te avion, o Taro Temita (Charles Schmidt) to'na i'oa. Ta'na ohipa, te hiopoaraa ia i te mau buka na te Ekalesia, te mau fare, e te mau faufaa atoa na te Ekalesia. I to'na taeraa mai, ua haere te man melo no te amaa Papeete nei, mai te farii ia'na, e i te po mahana toru, ua faatia te feia api, e te mau tuahine i te hoê fariiraa no'na. Ua faaite mai oia i to'na mauruuru rahi i te mau taeae e te mau tuahine i Papeete nei, e ua faaite atoa i to'na aroha i te mau taeae e te mau tuahine i te mau fenua, e te mau amaa fatata mai. Aita oia i maoro i o nei e toru noaiho mahana, a reva atu ai oia.

E Hoi O Tihoti Orometua I To'na Fenua Ai'a'

I te 12 no Tiunu, i mua nei, e reva atu to tatou hoa orometua o Tihoti (Poto) (o George C. Billings) i to'na ra fenua i Marite. Epiti to Tihoti tere i teie mau fenua no te porohaereraa i te Evanelia. Ona ana'e te orometua tei hoi mai ei orometua. E rave rahi te mau orometua tei hoi mai ei Peresideni. O ona ana'e ra te orometua tei hoi mai ei orometua mai te matamua ra. Ua haere mai oia i o nei, i te matamua, i te matahiti 1920, e ua faaea oia i o nei e tae noa'tu i te matahiti 1923, e toru ia matahiti e te afa. I teie tere ra, ua faaea oia hoê matahiti e te afa. E pae ia matahiti to'na faaearaa i teie mau fenua moana nei. Teie paha to'na tere hopea i teie mau fenua, e te faaite atu nei matou i to matou aroha ia'na, mai te ani atu i te Atua ia faaitoito ia'na, e paruru hoi ia'na i to'na tere i to'na ra fenua a'ia. Ia ora na Tihoti.

Ua Pohe O Ri Orometua

Ua tae mai te parau api ia tatou nei no te poheraa o Ri orometua. Ua tupuhia oia i te ma'i haaparuparu (Polio), e e piti ava'e e te afa to'na tarava-noa-raa i roto i te maha-ha auri (iron lung), aita ra e ravea no te ino o taua mai ra, pohe ihora oia.

Ua tae mai o Ri i Tahiti nei i te avae Me i te matahi-ti 1939, e i te tupuraa o te tamai rahi a'enei, ua faahoihia oia i te fenua Vaihi. (Hawaii)

I to'na faaeearaa i o nei, ua tae haere oia i te mau fenua Tuamotu, o Faaite, Fakarava, Ahe, Manihi, e Takarua. A parahi ai oia i Takarua, ua faatupu oia i te ohipa oriraa Popaa i reira. E ua topa oia i te i'oa i nia i taua tahua oriraa ra, o Ri, Nile. E mea papu roa e tupu ihoa te aroha o te mau feia api no Takarua ia'na. E haamana'o a hoi te mau taata ia'na no to'na ra reo maru. E taata hime-ne roa oia.

I to'na hoiraa'tu i te fenua Marite, ua haere faahou oia i te haapiiraa teitei, e i muriho, ua riro oia ei orometua i roto i te hoê haapiiraa i Roto Miti (Salt Lake City). Ua ani-pinepine-hia o Ri e te mau pupu himene atoa i roto i te Ekalesia nei, e mai te mahana i hoi atu ai oia ra, ua tanaa noa oia i te rave i te ohipa maitai i roto i te Ekalesia.

E piti hoi tamarii ta Ri, hoê tamahine, e hoê tamaroa. E te ora noa ra hoi ta'na vahine.

Ua Revā To Tatou Tuahine O Poolam Ng I Marite

Ua reva a'enei hoi to tatou ra tuahine o Poolam Ng i te fenua Marite. Hou to'na revaraa, ua haere oia e farerei i to tatou nei Peresiteni e to'na hoa, e te mau orometua. E

mea itoit
Papeete
Marite,
te mea te
atu oia i
te Atua,
te aroha

An

Ua

faatupuh
rahi i Pa
te mau ol
nei? (M
tairuru m
haereraa
hoi tei ra
ohipa hoi
Ia

Au

Rua. E
eita atoa
oia i te va
rahi e. U
a te Fatu.

atoa hoi o
E tiaturi t
mai te au
aroha'tu r
te Ekalesi
taeae e te
te mau ho
tatou i te

mea itoito teie tuahine i te rave i te ohipa i roto i te amaa Papeete nei, e na tupu ihoa te aroha i to'na revaraa'tu i Marite, Ua tupu atoa ra te maururu i to'na mau hoa no te mea te vai maoro noa ra teie hinaaro i roto ia'na ia tae atu oia i te fenua Marite, e teie nei, te ani atu nei matou i te Atua, ia maitai to'na ra faaearaa i Marite, e ia vai noa â te aroha o te Atua ia'na.

Amuiraa Rahi No Te 19, 20, E Te 21, No Setepa

Ua faaotihia a'enei i roto i te i te hoê apooraa o tei faatupuhia e to tatou Peresiteni ia ravehia te hoê amuiraa rahi i Papeete nei, i te avae Setepa i mua nei. E ravehia te mau ohipa horu rau i te reira mau mahana. Te anihia'tu nei? (Mai te peu e nehenehe) te mau melo o te Ekalesia ia tairuru mai no teie nei oroa rahi. Ei reira tatou e ite ai i te haereraa o te mau ohipa a te Atua i mua, e te mau ohipa hoi tei rave-haere-hia i tera vahi, e tera vahi, e te mau ohipa hoi e opuahia no teie matahiti.

Ia manuia noa hoi te ohipa a te Atua.

Naia A Rua

Aue hoi e, ua pohe a'enei to tatou tuahine o Naia â Rua. Eita atura hoi tatou e faaroo faahou i to'na ra reo, eita atoa hoi tatou e ite faahou ia'na. Inaha ua reva'tu hoi oia i te vahi, no reira mai tatou. Aue, e homa i te aroha rahi e. Ua ite tatou e, e tuahiue itoito hoi teie, i te ohipa a te Fatu. I roto i te ohipa rarahi o te fenua ra, tei reira atoa hoi oia. Inaha, i teie mahana te heva nei tatou ia'na. E tiaturi tatou e, tei te vahi maitai oia i teie nei mahana, mai te au i te mau haapiiraa o ta tatou e tiaturi nei. Te aroha'tu nei te Peresiteni, te mau orometua, te mau melo no te Ekalesia, e te vea atoa hoi i to ratou aroha rahi i te mau taeae e te mau tuahine o Naia, te metua e te mau fetii, e te mau hoa'toa ra hoi o tei roohia e teie ati rahi. Ia ora tatou i te Atua.

Na Ma'i Rarahi O Tei Faautahia Mai Na Nia Ia "Paraita"

I te faaroora to tatou nei Peresiteni, e ma'i rahi to to tatou taeae o Pou â Taukaha, tupu atura to'na aroha, e parau atura oia ia'na, e mai tere tatou i Papeete, na'u e imi i te ravea no oe. E inaha reva mai nei hoi o Pou na nia i Paraita. Téie mahana, tei te fare (utuuturaa) hoi oia, areara e mea maitai roa oia, te farerei noa ra hoi te mau taeae ia'na i te mau Sabati atoa ra.

Hikueru, ua haëre mai hoi te vahine a Tuihi e farerei atoa i to tatou nei Peresiteni no ta'na mootua tei paapaa i te auahi. E mea rahi riaria mau a hoi teie ma'i, aita hoi e haapaoraa faahou i teie nei tamaiti. Inaha, na roto a hoi i te aroha rahi, ua faatiahia i te tere mai i Papeete. I teie mahana, ua maitai taua tamaiti iti ra.

Te Pahi Ra O Moana

Reva a'enei te pahi o te Ekalesia o Paraita, i Anaa no te tii i te mau mataro, e te mau horopatete o Moana o tei paapaa i te auahi. E ati rahi ri'ari'a hoi teie. Ua tae teie nei pahi i Anaa i te hora hitu, e no te rahi o ta ratou ohipa i reira paruru atura hoi te raatira. I te hora hoê i te aahiata faaatea atura o Tuko Harris i te pahi e toru maile i te atea, e i te hora toru faaroo atura oia i te ane. Tia a'era hoi oia i nia ma te ani atu i te mau taata, eaha, e homa teie, pahono maira, e auahi. Ua imihia te mau ravea'toa, e aita mau e nehenehe faahou. Area ra, ua ora pau roa te mau taata, noa'tu pai ua paapaa'toa vetahi nau ohipa ta ratou. Ia maitai ontou o tei roohia i teie nei ati ri'ari'a, na roto i te aroha o to tatou Fatu.